

F

MUNDUKO KOPA HEGO KOREAN ETA JAPONIAN. Talde batzuk etxera bidean dira, Nigeria adibidez; eta beste batzuk, berriz, hurrengo fasean daude jada: Espainia. Gaur Brasilek eta Italiak lortu dezakete hurrengo fasera pasatzea.



MATTHIAS SCHRADER / EFE

INGLATERRA GORANTZ. David Beckham Ingalaterrako jokalariai Argentinari penaltiz sartu zion gola hegazkinarena eginez ospatu zuen.

Lehen aurrera pausoa

Ingalaterrak irabazi zuen atzo Argentinaren aurkako klasikoa, eta final-zortzirenetan sartzeko hegazkina hartu zuten. Espainia dagoeneko bertan dago. Atzo 3-1 irabazi zuen, eta sailkatu den lehen taldea da



SERGIO BARRENECHEA / EFE

ESPAINIA, SAILKATUTA. Fernando Morientes Espainiako jokalaria, Paraguairi sartu zizkion bi goletako lehena ospatzen.



■ Miguel Anjel Lotina

Espainiaren arazoa

Final-zortzirenak jokatuko dituen lehenengo selekzioa badugu, Espainia, baina ez zaio bes-telako garrantzirik eman behar horri. Kontuan hartu behar da Paraguai ez dela beste munduko talde bat, eta niretzako Espainia ez da Kopa irabazteko faboritoen artean sartzen oraindik. Gainera zer edo zer egin nahi badu, gutxienez, atzeko lerroa indartu beharko du.

Espainiak arazo bat du. Atzo lehen zatian jokatutako taldearekin Valeron ez da Valeron. Deportivoko jokalariai zela erditik gehiegitan jaitsi beharra izan zuen, eta ez zen berak min egiten duen lekuan egon. Gainera, horrek asko nekatzen zuen. Barajari ere gauza bera gertatzen zitzaion. Baraja euskarri bikoitza da, eta atzoko lehen zatiko sistemarekin bakarrik arituz euskarrian. Barajak goran egiten du min, baina defentsara asko jaitsi behar izan zuenez, ez zuen igotzeko aukerarik izan.

Camachok euskarri bikoitza jarri beharko lu-

ke. Bigarren zatian erakutsi zuen sendotasuna behar du taldeak, eta Barajak alboan beste euskarri bat. Helguera edo Albelda izan daitezke, baina beharrezkoa da. Atzo bigarren zatian Camachok Helguera jarri zuen Barajaren alboan, eta askoz ere gusturago jokatu zuen horrek. Valeronek ere gorago jokatu zuen, eta Espainia gehiago gustatu zitzaidan.

Euskarri bikoitzarekin, gainera, Hierro eta Nadal defentsan hobeto aritzen dira. Bi hegalekoak gora igotzen direnean bi zentral horiek arazoak izaten dituzte. Baina zela erdian beti euren aurretik euskarri bat baldin badute ondo aritzen dira, ez baita ahaztu behar, nahiz eta apur bat motelak izan, jokalaria onak direla. Segurtasun hori eman behar zaie.

Baina euskarri bikoitza jartzeak duen arazoa norbait kendu beharrena da. Raul ez da aurrerari peto-petoa, eta beste norbait behar du ondoan. Hala ere, aurretik norbait kenduta ere kalitate handiko jokalariai ditu Espainiak: Valeron, Raul, De Pedro... Realeko jokalaria da oraingoz Espainiaren munduko txapelketako jokalaririk onena. Bi partidetan izan da jokalaria osoa, eta apur bat ezustea ere bai. Selektzioaren beste aurpegia Tristanena da. Boladaka aritzen den jokalaria da, eta orain ez dago bere unerik onenean. Nik itxaropena eduki dut haren, bolada onean iritsiko zela pentsatuz. Baina orain arte bi partidetan ez du gauza handirik erakutsi, eta aurrerantzean erakusteko denbora gutxiago izango du: Morientesek bi gol sartu zituen atzo, Luque ere hor dago. Pena bat da, baina Tristanek bi aukera on galdu ditu.